

Gweinidog Yn ôL at Ei Gwreiddiau I Agor Ysgol Newydd



Agorwyd ysgol newydd ar gyfer rhai 3 i 16 oed ar Benmaendewi'n swyddogol.

Mae Ysgol yr Eglwys yng Nghymru Penrhyn Dewiyn Nhyddewi - y gyntaf o'i bath - yn gweithredu ar draws tri safle blaenorol Ysgol Dewi Sant, Ysgol Bro Dewi ac Ysgol Gymunedol Solfach.

Dadorchuddiwyd plac yn coffáu'r achlysur yn gynharach heddiw (Dydd Gwener, 30^{ain} Tachwedd) gan Eluned Morgan AC, Gweinidog y Gymraeg a Dysgu Gydol Oes.

Hefyd yn bresennol oedd Deon Eglwys Gadeiriol Tyddewi, yr Hybarch Dr Sarah Rowland-Jones.

Penrhyn Dewi yw ysgol cyfnod uwchradd gyntaf yr Eglwys yng Nghymru i agor ers y 1920au ac ysgol 3-16 gyntaf erioed yr Eglwys.

Buddsoddwyd £4 miliwn yn safle blaenorol Ysgol Dewi Sant mewn adeiladu rhannol o'r newydd ac adlunio adeiladau addysgu. Y contractwr oedd yn WB Griffiths a'i Fab o Hwlfordd.

Mae darpariaeth ôl-16 ar gyfer disgyblion i'w chael yn y ganolfan chweched dosbarth newydd yn Hwlfordd fel rhan o gydweithio ffurfiol rhwng y Cyngor Sir a Choleg Sir Benfro.

Agorodd Ysgol Penrhyn Dewi ei drysau i ddisgyblion ym mis Medi.

Mae'n un o amryw ysgolion newydd a adeiladwyd - neu'n cael eu hadeiladu - yn Sir Benfro dan Raglen Ysgolion ac Addysg yr 21ain Ganrif, cydweithrediad rhwng Cyngor Sir Penfro a Llywodraeth Cymru sy'n rhannu'r cyllido.

Cyfrannodd Esgobaeth Tyddewi hefyd at ariannu'r ysgol newydd.

Croesawyd y Farwnes Morgan - y daw ei theulu o Dyddewi - i'r ysgol gan Aden Brinn, Cadeirydd y Cyngor, a David Haynes, y pennaeth.

Yn y seremoni agor swyddogol, perfformiwyd eitemau cerddorol gan Goryddion yr Eglwys Gadeiriol a chôr yr ysgol.

Dywedodd wrth y gwesteion: "Mae'n bleser agor Ysgol Penrhyn Dewi'n swyddogol ac rwy'n hynod falch bod Llywodraeth Cymru wedi gwneud buddsoddiad mor bwysig yn addysg Sir Benfro trwy gyfrannu £3.4 miliwn tuag at y £4 miliwn a gostiodd i adnewyddu'r ysgol.

"Y rhaglen adeiladu ysgolion fwyaf uchelgeisiol ers y 1960au, bydd Haen A ein Rhaglen Ysgolion ac Addysg yr 21ain Ganrif yn golygu buddsoddiad at ei gilydd o £1.4 biliwn, gan gynnwys dros £120 miliwn yn Sir Benfro. Bydd Haen B yn golygu buddsoddi £2.3 biliwn ychwanegol, gan ddechrau'r flwyddyn nesaf.

"Mae ein disgyblion yn haeddu'r amgylchedd dysgu gorau i helpu iddynt gyflawni eu gorau ac rwyf mor falch bod Ysgol Penrhyn Dewi'n gwneud hyn dros dri champws.

“Hoffwn longyfarch pawb dan sylw, a dymuno pob llwyddiant at y dyfodol i Mr Haynes, ei staff a'i ddisgyblion.”

Yna bu'r Gweinidog ar daith o'r ysgol newydd yn cyfarfod disgyblion.

Geiriad

Yn y llun mae Eluned Morgan gyda David Haynes, y pennaeth, ar ôl dadorchuddio'r plac. Hefyd yn y darlun mae'r Hybarch Dr Sarah Rowland-Jones; Deon y Gadeirlan, y Cynghorydd David Lloyd (Aelod Cabinet y Sir dros Addysg) a'r Cynghorydd Brinn.

Y Gweinidog gyda Cerys Rees-Harries, prif ferch, a Peter Richards, prif fachgen, gyda David Haynes, y pennaeth.